



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 01-03/02-04-38989-229/21
Sarajevo, 31.1.2022. godine

SKUPŠTINA KANTONA SARAJEVO
n/r Okerić Elvedina, predsjedavajućeg Skupštine Kantona Sarajevo

PREDMET: Odgovor na zastupničko pitanje, dostavlja se

Cijenjeni,

Zastupnica u Skupštini Kantona Sarajevo Amra Hasagić je na nastavku 43. Radne sjednice Skupštine Kantona Sarajevo održanom dana 3.11.2021. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo („Službene novine Kantona Sarajevo“ - Drugi novi prečišćeni tekst – broj: 41/12, 15/13, 47/13, 47/15, 48/16, 9/20 i 14/20), uputila **zastupničko pitanje:**

„Upućujem pitanje Vladi Kantona Sarajevo u kojoj su fazi realizacije usvojeni zaključci od Skupštine Kantona Sarajevo od početka ovog mandata do danas?“.

Odgovor:

Cijenjena,

Ministarstvo za odgoj i obrazovanje Kantona Sarajevo je od početka mandata sadašnjeg saziva Vlade Kantona Sarajevo realizovalo slijedeće zaključke donesene od strane Skupštine Kantona Sarajevo, a na osnovu upućenih inicijativa zastupnika u Skupštini Kantona Sarajevo:

1. Usvojena inicijativa zastupnika Mirze Čelika i donesen Zaključak broj 01-34-3050/21 dana 3.2.2021. godine: *zadužuje se Ministarstvo za odgoj i obrazovanje Kantona Sarajevo da nastavi sa realizacijom nastavnog plana i programa iz nastavnog predmeta Tjelesni i zdravstveni odgoj i realizuje u toku školovanja za učenike 6-tih razreda osnovnih škola u zimskom periodu na uređenim skijalištima u Kantonu Sarajevo.*

Navedeni zaključak je realizovan na osnovu Sporazuma o saradnji sa KJP „ZOI '84 Olimpijski centar Sarajevo d.o.o. zaključenog dana 7.2.2021. godine. Projekat Škola skijanja obuhvatao je učenike VI razreda osnovnih škola na području Kantona Sarajevo, a realizovan je u periodu od 15.2.2021. do 19.3.2021. godine na lokalitetima Bjelašnica-Babin do i Igman-Malo polje. Želimo istaći da će projekat biti realizovan i u školskoj 2021/2022. godini u periodu februar/mart 2022. godine.



2. Usvojena inicijativa zastupnika Dževada Poturka i donesen Zaključak broj: 01-04-4830-4/21 dana 3.3.2021. godine: *prihvata se inicijativa da se u nastavni plan i program za osnovnu i srednju školu iz nastavnog predmeta Historija poveća obim nastavnog sadržaja već od VI razreda osnovne škole o agresiji na Bosnu i Hercegovinu, namjerama agresora, genocidu u Srebrenici, opsadi Sarajeva, ključnim bitkama za odbranu Sarajeva, etničkom čišćenju i komandantima Armije Republike Bosne i Hercegovine. Također, da Ministarstvo za odgoj i obrazovanje Kantona Sarajevo pripremi posebnu literaturu koja će detaljno obuhvatiti gore navedeni nastavni sadržaj, te da resorno ministarstvo besplatno obezbijedi istu svakom učeniku u Kantonu Sarajevo.*

U Zakonu o osnovnom odgoju i obrazovanju („Službene novine Kantona Sarajevo“, broj: 23/2017, 33/2017, 30/2019, 34/2020 i 33/2021) u članu 24. stav (17) navodi se: ministar će osigurati da nastavni sadržaji, odnosno tematske jedinice koje su posvećene izučavanju zločina genocida počinjenog u Bosni i Hercegovini, u vremenskom periodu 1992 - 1995. godina, tematske jedinice posvećene opsadi Sarajeva, prema presudama nadležnih sudova, budu sastavni obavezujući dio nastavnog plana i programa.

Nakon što je Skupština Kantona Sarajevo u maju 2017. godine donijela novi Zakon o osnovnom odgoju i obrazovanju, te novi Zakon o srednjem obrazovanju, u skladu sa navedenim zakonskim okvirom Ministarstvo za obrazovanje, nauku i mlade Kantona Sarajevo imenovalo je stručnu komisiju, koju su činili profesori odsjeka za historiju i metodiku nastave historije Filozofskog fakulteta u Sarajevu, stručnjake Instituta za historiju Univerziteta u Sarajevu i Instituta za istraživanje zločina protiv čovječnosti i međunarodnog prava Univerziteta u Sarajevu, profesora historije i autora udžbenika historije koja je radila na izradi Priručnika „Nastavni materijali za izučavanje opsade Sarajeva i zločina genocida počinjenog u Bosni i Hercegovini u periodu 1992.-1995. godine u osnovnim i srednjim školama u Kantonu Sarajevo“. Priručnik je izdat u januaru 2018. godine. Također, u sklopu djelovanja historijskih sekcija u osnovnim i srednjim školama provode se aktivnosti organizovanih posjeta muzejima, između ostalog i Muzeju ratnog djetinjstva koje su podržane od strane Ministarstva kulture i sporta Kantona Sarajevo i Njemačke ambasade u BiH.

3. Usvojena inicijativa zastupnika Damira Nikšića i donesen Zaključak broj: 01-04-17920-2/21 dana 28.4.2021. godine: *prihvata se inicijativa za povećanje fonda sati izučavanja teme Holokaust u okviru realizacije nastave iz predmeta Historija u osnovnim i srednjim školama na području Kantona Sarajevo, te da se, do formiranja Muzeja Holokausta u Sarajevu, u nastavni plan i program uvrsti i obavezna organizovana posjeta učenika Muzeju Jevreja u zgradi Starog hrama, najmanje jednom godišnje u kontekstu 27. januara Međunarodnog dana sjećanja na žrtve Holokausta.*

Učenici historijskih sekcija osnovnih i srednjih škola na području Kantona Sarajevo posjećuju Muzej Jevreja, a Ministarstvo ima u planu da realizuje ovakav vid aktivnosti kojom će biti obuhvaćeni i ostali učenici osnovnih i srednjih škola.


4. Usvojena inicijativa zastupnika Amela Mekića i donesen Zaključak broj: 01-04-23655-9/21 dana 8.7.2021. godine: *prihvata se inicijativa za izradu elaborata o opravdanosti uvođenja obaveznog video-nadzora u sve vrtiće u Kantonu Sarajevo.*

S obzirom da se radi o inicijativi koja podrazumijeva temeljit i stručan pristup sa vrlo osjetljivom materijom iz područja zaštite dječijih prava, Ministarstvo za odgoj i obrazovanje će u narednom periodu imenovati Radnu grupu za utvrđivanje opravdanosti uvođenja video-nadzora u vrtiće u koju će, pored službenika iz Ministarstva, biti imenovani i predstavnici JU „Djeca Sarajeva“, predstavnici Udruženja privatnih predškolskih ustanova, predstavnici roditelja i druge zainteresirane strane.



Zadatak Radne grupe bit će utvrđivanje trenutnog stanja po pitanju video nadzora u javnim i privatnim vrtićima, istraživanje opravdanost uvođenja video nadzora sa aspekta zaštite dječijih prava i prava radnika koji rade sa djecom u vrtićima, aspekta bezbjednosti djece i objekta, a na osnovu dobijenih pokazatelja, donošenje prijedloga o potrebi/opravanosti uvođenja video nadzora u sve vrtiće. Prema podacima kojima raspolaže Ministarstvo za odgoj i obrazovanje Kantona Sarajevo, od ukupno 37 objekata vrtića koji su u funkciji u JU „Djeca Sarajeva“, 15 vrtića je pokriveno video nadzorom, dok 22 nisu. Od ukupno 34 privatna vrtića, 12 je pokriveno videonadzorom, dok 22 nisu. Ministarstvo ne raspolaže podacima o pokrivenosti prostora ovim videonadzorima (vanjski i unutrašnji prostor). Ministarstvo za odgoj i obrazovanje Kantona Sarajevo posvećeno je podizanju kvaliteta, kako predškolskog odgoja i obrazovanja, tako i ostalih nivoa obrazovanja i kontinuirano ulaže napore za iznalaženje rješenja koja će biti od koristi djeci i roditeljima, te društvenoj zajednici.

S poštovanjem,



TRICA

Naida HODŽIĆ Muminović

Dostaviti:

1. Naslovu
2. Sekretaru Ministarstva
3. A/a



web: <http://mo.ks.gov.ba>
e-mail: mo@mo.ks.gov.ba;
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1

